

**2018-miit ukiuni marluogallartuni misiliilluni unnukkut ammasartussamik (nal. 16-24) nuna tamakkerlugu call-centerimik, Nuna tamakkerlugu Ilitsersuisarfik (NTI-p) ataani pilersitsinissamat Naalackersuisut peqquneqarnissaannik Inatsisartut aalajangiiffigisassaattut siunnersuut. Call-Centeri sukkasuumik kinaassutsimillu isertuussilluni ilinniartunut, ilinniarnikkut, aningaasatigut inuttulluunniit ajornartorsiuteqartunut ikorfartuissaaq siunnersuisarlunilu. Call-centeri aamma taamatut siunnersuisarsinnaassaaq ilinniartut ilaqutaannut.**

(Inatsisartuni ilaasortaq Nivi Olsen, Demokraterne)

### **Akissuteqaat**

(Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoq)

### **Aappassaaneerinnineq**

Naalackersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq qutsavigaat peqqissaartumik sulisimanerat pillugu, isumaliutissiissutaallu Naalackersuisut tamakkiisumik ilalersinnaasaat pillugu.

Ataatsimiititaliap kissaatigisimavaa inatsimmi namminerme erseqqissaasoqassasoq sulianik pilersitsisarneq nalunaarsuisarnerlu kinaassutsimik ersersitsisuunngitsumik (nalunaarsorneqanngitsumik) saaffiginninnernut atatillugu. Tamatumunnga atatillugu Naalackersuisut ajuusaarutigissavaat akissuteqaatip danskisut aamma kalaallisut allanneqarneri imminnut naapertuuteqqissaanngitsutut immata, danskisuuvalu aalajangersimaqqissaartutut nipeqarluni. Tamanna siunertaasimanngilaq.

Nalunaarneqartut taamaallaat paasineqartussaapput kinaassutsimik ersersitsinngitsumik arlaleriarluni saaffiginninnerup attaveqarneq sakkortusarsinnaammagu, taamalu saaffiginnittarnerit piffissap ilaani pisortat ingerlatsineranni paasitinneqarsinnaaneq pillugu malittarisassani aalajangersakkanut suliatut ilaasutut isigineqalertussaammat, tassuunalu nalunaarsuisussaataaneq atortuulissalluni, kinaassutsimik ersersitsisoqannginnissaanik kissaatigineqartumut akornusiisumik. Tamannalu amerlasuutigut pisassaaq saaffiginninnerit marluk qaangerneqarpata.

Aalajangiisuusorli tassaavoq – ataatsimut nipangiussisussaataaneq malittarisassat aalajangersakkat saniatigut, - pisortat paasissutissanut akisussaasuusutut pisussaammata qularnaassallugu, call-centeri aqqissuunneqarsimassasoq inunnut tunngasumik paasissutissat pillugit inatsimmut aamma sillimanissamat nalunaarummi aalajangersakkanut naapertuuttumik. Ilutigisaanillu paasissutissanut tunngasumik akisussaasuusup teknikkikkut aqqissuussaannikkullu sillimaniarnermi isumagisassat isumagisimassavai, paasissutissat

pineqartut susassaqqanngitsunit pissarsiarineqarsinnaanerat, atorneqlunneqarsinnaanerat imaluunniit inatsimmik unioqqutitsisumik atorneqarsinnaanerat pinngitsoorniarlugu.